



宋慧喬預先張揚不接受傳媒採訪。

韓星宋慧喬、《九龍城寨之圍城》演員林峯、張文傑、胡子彤、廖子好、童星王尹菁（菁菁）等，昨日出席國際時尚品牌專門店開幕活動。作為品牌大使身份的宋慧喬壓軸登場，不過只閃現40多秒，期間有揮手及派心，雖然稍欠笑容，但Cool得來貴氣十足。

左起：張文傑、林峯與胡子彤齊齊受訪。



廖子好（左）讚王尹菁精靈可愛。

「城寨3子」擺甫士鬥Chok

宋慧喬快閃40秒 Cool爆派心

宋慧喬昨日以品牌大使身份到尖沙咀出席品牌專門店開幕活動，由於不設傳媒訪問，故她到場後只企定定影相，期間亦有派心，閃現40多秒後離場。同場的「城寨3子」林峯、張文傑和胡子彤齊齊受訪，笑言相隔一個多星期再合體出活動，感覺隔了很久，並指劉俊謙因忙於拍劇而未能出席。問到是否開拍《信一傳》？張文傑表示只知會拍劇集：「但唔知劇集係咪呢個名。」問到可想「城寨4子」各有前傳？張文傑即舉腳贊成：「可以長拍長有。」不過林峯笑言：「已經打到好甘！如果每個人都有前傳就有排打，最重要係有得發揮。」

說到慶功宴，林峯表示應該不會太快，因導

演鄭保瑞忙於拍戲。張文傑建議開拍前傳前可先食慶功飯，但相信年底也未能成事。問到在前傳中會否鬥騷肌？林峯笑言：「係咪想4個一齊沖涼？」他與張文傑齊說：「騷肌交界子彤，子彤係冇尺度。」說到可安排一起浸溫泉，子彤笑言：「咁我就唔使操肌，反正搶鏡我就一定，但個個練大隻，唔通個個都想大隻咩？」

王尹菁未做完暑期功課

廖子好和菁菁一齊受訪，年僅9歲的菁菁表現淡定，但她自爆心情有點緊張，因首次面對這麼多人，並透露暑假過後升讀小五，但仍未做完暑期功課。問到會否參演前傳？菁菁表示不會，因為戲中的自己還未出世，但希望有份演出「終章」。廖子好笑問菁菁可想跟其中一位「城寨4子」組CP？菁菁說：「佢哋每個我都鍾意，但唔使喇，因為我年紀仲細。」

子好直言希望參演前傳和終章，因為原著中沒有她的角色：「呢部係男人戲，所以希望我有更多戲份同增加女演員。」熱愛煲韓劇的她大讚宋慧喬很漂亮：「我好想請教佢點樣保養，因為我由9歲到依家30幾歲見佢都係一樣，無論外貌演技都係狀態好好。」

雲浩影 拍喊戲難抽離



由雲浩影、吳家忻和蘇皓兒主演的Viu原創劇《同居少女諸事卜》，將於「黃Viu煲劇平台」登場。首次拍劇的雲浩影周旋於「初戀情人」郭嘉駿（193）與「穩交男友」何啟華（阿Dee）之間，並有不少爆喊場面，她說：「今日拍呢場戲，唔係第一場喊戲，之前同阿Dee分手都喊咗一次。拍喊嘅MV就拍得多，但劇就係第一次！最大挑戰係喊完之後點樣收拾心情！依家我嘅感受仍然好想喊，因為為咗喊戲，我回想一啲往事，我嘅情緒仲啱呢啲傷心往事入面。」

丁子朗圓夢開畫展 麥美恩願做全裸Model



丁子朗（丁丁）昨日舉行首個個人作品展《Who are you?》，獲圈中好友麥美恩（Mayanne）、冼靖峰（Archie）、余宗遙（DEZ）等到賀。丁丁開心指終於如願開個人畫展，希望有機會衝出國際，笑言要靠畫畫養老。Archie表示與丁丁一起接受男團Loong 9集訓時，彼此什麼都看過，主動稱可讓丁丁畫人體素描，但隨即又縮沙說只能露上半身。

Mayanne表示一直視丁丁為弟弟，問到可夠膽全裸讓丁丁畫人體素描？她豪氣說：「佢夠膽畫，我夠膽除（衫）！」丁丁說：「佢夠膽，我點會唔夠膽！」問到如果真的成事，Mayanne肯不肯公開作品？她鬼馬說：「肯呀！最多自己立即買咗佢，而且仲會抬高價，哈哈。」



郭富城（右）接受許文軒訪問。

城城全新舞蹈迎個唱

日前郭富城接受《StarTalk》主持許文軒專訪，大談將在紅館開騷的感受。問到如何為個唱作準備？城城說：「今次差唔多全部舞蹈都係新，好期待！有好多舞蹈員跟咗我好耐，有啲結埋婚，但依然對跳舞有熱誠。今次加咗新嘅年輕舞蹈員，可以新舊融合一齊交流，而且又有美國排舞老師幫手，協助同提升佢哋舞蹈同技術。（培育女兒跳舞？）佢哋已經有我嘅因子，自動波！佢哋兩三歲已學芭蕾舞，亦有學唱歌！不過我會畀佢哋自由發展，佢哋鍾意就試。」